



JU NARODNO POZORIŠTE SARAJEVO
Obala Kulina bana br. 9

Na osnovu člana 27. stav (1) alineja 2. i člana 29. stav (1) Zakona o ustanovama ("Službeni list RBiH", broj: 6/92, 8/93 i 13/94), člana 23. stav (1) i (5) Zakona o pozorišnoj djelatnosti („Službene novine Kantona Sarajevo“, broj 42/13 - Prečišćeni tekst i 6/16), člana 7. stav (1) i člana 8. stav (1) i (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), članova 40., 44., 45. i 49. Pravila Javne ustanove Narodno pozorište Sarajevo, broj: 05-1672/23 od 14.03.2023. godine i Odluke Upravnog odbora Javne ustanove Narodno pozorište Sarajevo, broj:05-2082/26 od 30.03.2026. godine, Upravni odbor, raspisuje:

JAVNI KONKURS
za imenovanje direktora Javne ustanove
Narodno pozorište Sarajevo

1) Naziv, sjedište i Internet adresa ustanove: Javna ustanova Narodno pozorište Sarajevo, ul. Obala Kulina bana br. 9, 71000 Sarajevo, BiH, telefona: +387 33 445 138, e-mail: ureddirektora@nps.ba, web: <https://nps.ba/>

2) Opšti uslovi za imenovanje:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
- d) da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine),
- e) da nije osuđivan za krivično djelo i privredni prestup nespojiv sa dužnošću direktora (pribavlja se po službenoj dužnosti samo za izabranog kandidata),
- f) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- g) da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u FBiH,
- h) da je zdravstveno sposoban za obavljanje dužnosti direktora.

3) Posebni uslovi:

- a) visoka stručna sprema VII stepena, odnosno visoko obrazovanje drugog ili trećeg ciklusa Bolonjskog sistema studiranja, jedna od umjetničkih akademija ili filozofski fakultet,
- b) najmanje sedam godina radnog staža nakon sticanja fakultetske diplome,
- c) najmanje četiri godine radnog iskustva na rukovodnim poslovima iz oblasti kulture,
- d) društveno verificirana priznanja za rezultate postignute u oblasti kulture i umjetnosti,
- e) da se ističe organizacionim sposobnostima i društvenim radom,
- f) predložen Program rada za mandatni period.

Kandidat za direktora dužan je, uz svojeručno potpisanu prijavu na konkurs, dostaviti dokaze o ispunjavanju opštih i posebnih uslova, kao i Program rada za mandatni period.

4) Opis poslova i radnih zadataka direktora:

- a) zastupa i predstavlja Pozorište prema trećim licima,
- b) odgovoran je za zakonitost rada Pozorišta,
- c) predlaže Upravnom odboru mjere za efikasno i zakonito obavljanje djelatnosti radi koje je Pozorište osnovano, unutrašnju organizaciju i sistematizaciju poslova i osnove planova rada i razvoja Pozorišta,
- d) izvršava odluke Upravnog odbora,
- e) odlučuje o pravima, obavezama i odgovornostima radnika iz radnog odnosa,
- f) naredbodavac je u izvršenju finansijskog plana, podnosi Upravnom odboru Pozorišta izvještaj o finansijskom poslovanju,
- g) učestvuje u radu Upravnog odbora Pozorišta bez prava glasa,
- h) imenuje i razrješava umjetničke direktore Opere, Drame, Baleta, direktora Tehnike,
- i) imenuje i razrješava vršioce dužnosti umjetničkih direktora Opere, Drame i Baleta, vršioca dužnosti direktora Tehnike, rukovodioca Tehnike i vršioce dužnosti rukovodilaca Ekonomsko-pravne službe i Službe marketinga i propaganda, bez konkursa, iz reda stručnih radnika zaposlenih u ustanovi, do imenovanja umjetničkih direktora Opere, Drame i Baleta, direktora Tehnike i rukovodilaca Ekonomsko-pravne službe i službe Marketinga i propaganda, a najduže šest mjeseci od dana imenovanja,
- j) vrši i druge poslove i ima druge dužnosti i prava utvrđena opštim aktima Pozorišta, u skladu sa zakonom,

5) Period na koji se imenuje:

Mandatni period od četiri godine.

6) Mjesto obavljanja rada i vrijeme rada:

JU Narodno pozorište Sarajevo, ul. Obala Kulina bana br. 9, 71000 Sarajevo, BiH.

7) Rok u kojem se podnose prijave:

15 dana od dana posljednjeg objavljivanja. Konkurs će biti objavljen u Službenim novinama Federacije Bosne i Hercegovine, dnevnim novinama Oslobođenje, web stranici JU Narodno pozorište Sarajevo i web stranici Ministarstva kulture i sporta Kantona Sarajevo.

8) Telefon kontakt osobe zadužene za davanje dodatnih objašnjenja:

Telefon: +387 33 445 138, e-mail: ureddirektora@nps.ba

9) Adresa na koju se podnose prijave: Prijave sa dokazima o ispunjavanju uslova iz konkursa slati lično ili preporučeno na adresu JU Narodno pozorište Sarajevo, Obala Kulina bana br. 9., sa naznakom „PRIJAVA NA JAVNI KONKURS – NE OTVARAJ“.

10) Dokumentacija koja se podnosi uz prijavu:

Uz svojeručno potpisanu prijavu na javni konkurs sa kontakt podacima, kandidati su dužni dostaviti sljedeću dokumentaciju:

- 1) Biografiju,
- 2) Diplomu o traženoj stručnoj spremi ili akademskom zvanju,
- 3) Izvod iz matične knjige rođenih,
- 4) Uvjerenje o državljanstvu - ne starije od 6 (šest) mjeseci,
- 5) Uvjerenje o ostvarenom radnom stažu sa šifrom zanimanja koje izdaje Fond za penzijsko – invalidsko osiguranje ili potvrda o ostvarenom radnom stažu kod poslodavca nakon sticanja fakultetske diplome, kod kojeg je kandidat radio, sa tačno naznačenim poslovima i radnim zadacima, te godinama i mjesecima radnog staža koje je kandidat ostvario,



- 6) Izjavu ovjerenu kod nadležnog organa da kandidat:
- a) nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs,
 - b) nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine),
 - c) nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti BiH,
 - d) nije osuđivan za krivično djelo i za prekršaj nespojiv sa obavljanjem dužnosti direktora,
 - e) nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
 - g) nije predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini, a ukoliko je predsjednik ili član upravnog ili nadzornog odbora priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa navedenih pozicija,
- 7) Potvrdu ili uvjerenje poslodavca o obavljanju rukovodećih poslova iz oblasti kulture,
- 8) Društveno verificirana priznanja za rezultate u oblasti kulture i umjetnosti,
- 9) Dokaz kojim se potvrđuju organizacione sposobnosti i društveni rad,
- 10) Program rada za mandatni period koji sadrži finansijski i kadrovski plan njegovog ostvarivanja.
- 11) Po konačnosti Odluke o imenovanju kandidata, imenovani kandidat je dužan dostaviti uvjerenje o zdravstvenoj sposobnosti, a ostali kandidati svoje dokumente mogu preuzeti lično u prostorijama JU Narodno pozorište Sarajevo.
Sve dokumente je potrebno priložiti u originalu ili ovjerenog kopiji.

12) Način predaje dokumentacije: Prijavu sa obaveznom dokumentacijom dostaviti lično na Protokol Pozorišta ili poštom preporučeno na adresu:

Javna ustanova "Narodno pozorište" Sarajevo
Ul. Obala Kulina bana br. 9, Sarajevo

Sa naznakom: "Prijava na Javni konkurs za imenovanje direktora Javne ustanove „Narodno pozorište“ Sarajevo - ne otvarati."

Nepotpune i neblagovremene prijave neće biti uzete u razmatranje.

Predsjednica Upravnog odbora

Irma Efendić Adžajlić

